

Morning Dogri (NSD) National News Bulletin 24-06-2024

आकाशवाणी

1. 18मीं लोकसभा दा पैहला इजलास अज्जै थमां शुरू होआ करदा ऐ। नमें चुने गेदे सांसदे गी अज्ज औहदे दी सगंध चुकाई जाग।
2. केन्द्री गृहमंत्री अमित शाह होरें हाड़ें दे प्रबंधन दिएं तैआरिं दा जायजा लैने लेई कल इक उच्ची सतह बैठक दी प्रधानता कीती।
3. बिहार पुलस दी आर्थिक अपराध इकाई नै नीट अंडर ग्रैजुएट मतेयान दा पर्चा लीक होने दे मामले च 13 लोकें गी गिरफ्तार कीता ऐ।
4. कोयले ते खन्नें सरबन्धी केन्द्री मंत्री जी.किशन रेड्डी अज्ज नमीं दिल्ली च महत्वपूर्ण खनिज ब्लाकें दी निलामी दे चौथे चरण दा उद्घाटन करगंन।
5. मर्दे दे आईसीसी टी-20 क्रिकेट विश्व कप दे सुपर-8 मकाबले च अज्ज भारत दा मकाबला आस्ट्रेलिया कन्ने होग।

<><><><><><>

Parliament Session

18मीं लोकसभा दा पैहला इजलास अज्जै थमां शुरू होआ'रदा ऐ। इस दरान नमें चुनोए दे सांसदे गी सगंध दोआई जाग। वरिष्ठ बीजेपी सांसद भर्तृहरि महताब होरें गी अस्थाई अध्यक्ष बनाया गेआ ऐ, ओह नमें चुनोए दे सांसदे गी सगंध दोआंगन। लोकसभा स्पीकर दा चुनां बुधवारें होग जिसलै कि राष्ट्रपति द्रौपदी मुर्मू होर वीरवारें संसद दे दौनें सदनें सांझे तौर पर संबोधत करगंन। राज्यसभा दा इजलास वीरवारें थमां शुरू होग। संसद दा एह इजलास अगले म्हीने दी त्रै तरीक गी मुक्की जाग।

<><><><><><>

Home Minister

गृहमंत्री अमित शाह होरें हाड़ें दे बेहतर प्रबंधन आस्तै नदिएं दे जलस्तर दे पूर्वानुमान आली प्रणाली गी होर बेहतर ते उन्नत बनाने दे निर्देश दित्ते। हाड़ें दे प्रबंधन दी तैआरिं दी समीक्षा करने आस्तै नमीं दिल्ली च इक उच्च सतह दी बैठक दी शाह होरें अध्यक्षता कीती।

उनें मुल्लख च हाड दे खतरें गी घट्ट करने आस्तै व्यापक, कारगर ते दूरगानी नीति दी अमलावरी करने सरबंधी उपाएं दी समीक्षा कीती। शाह होरें निर्देश दित्ते जे मौसम विभाग आस्सेआ जारी बिजली चमकने दे पूर्वानुमानें गी आम लोकें तगर पजाने आस्तै एसएमएस, टीवी, एफएम, रेडियो ते होरने दुए माध्यमें दा इस्तेमाल कीता जाना लोडचदा। उनें आखेआ जे बक्ख-बक्ख मैहकमें आस्सेआ विकसित कीते गेदे मौसम, बरखा ते हाडें दी चेतावनी आली ऐप्स गी किट्टा कीता जा। श्री शाह होरें आखेआ जे प्रधानमंत्री मोदी हुंदे नेतृत्व च मुल्लखै दा आपदा प्रबंधन सिफर नुकसान आले रौं बक्खी बधा'रदा ऐ। गृहमंत्री होरें मौसम मैहकमे ते पानी सरबंधी केन्द्री कमीशन गी हाडे दे प्रबंधन च इस्तेमाल होने आले समेयान गी सम्मालने दी प्रक्रिया गी पूरा करने दे निर्देश दित्ते। उनें सब्बै बड्डे बन्ने दे गेटस दी खरी स्थिति गी जकीनी बनाने लेई बी आखेआ।

<><><><><><><>

IMD

मौसम विभाग नै आखेआ ऐ जे अगले 5 दिनें तगर दक्खन भारत च बड़ी तेज बरखा होई सकदी ऐ। दक्खन-पच्छमी मानसून, अरब सागर दे किश होर हिस्सें, गुजरात, महाराष्ट्र, मध्यप्रदेश, छत्तीसगढ़, ओडिशा ते झारखंड बक्खी बधी चुके दा ऐ। अगले किश दिनें च मानसून दे होर अग्गे बघने दी मेद ऐ। पच्छमी मध्य प्रदेश, गुजरात ते अंडमान ते निकोबार टापुएं दे मते सारें हिस्सें पर अज्ज बद्दल गरजने, बिजली चमकने ते तेज ब्हाएं दे कन्नै बरखा बरने दी पेशगोई कीती गेदी ऐ। पूर्वोत्तर भारत ते पच्छिम बंगाल च अगले 5 दिनें तगर बड़ी तेज बरखा दे हालात बने दे रौंहगन। तोआई पच्छमी उत्तर प्रदेश, पंजाब, हरियाणा, चंडीगढ़ ते दिल्ली दिएं किश थाहरें पर अज्ज ते कल बी जबरदस्त गर्मी दे हालात बने दे रौहने दी शँका ऐ। एहदे परैत हालात च बिंद सुधार होग।

<><><><><><><>

Bihar Police

बिहार पुलिस दे आर्थिक अपराधें मत्तल्लक युनिट नै आखेआ ऐ जे नीट-अंडर ग्रैजुएट मतेयानद । पर्चा झारखंड दे हजारीबाग थमां इक पेशेवर संगठित गिरोह आस्सेआ लीक कीता गेआ हा जेदियां जड़ां बक्ख-बक्ख राज्य कन्नै जुड़ी दियां न। इस गिरोह दे 13 सदस्यें गी विशेष जांच दल आस्सेआ गिरफ्तार कीता गेआ ऐ ते इस मामले दी जांच बरोबर जारी ऐ।

प्रेस लेई जारी इक ब्यान च आर्थिक अपराध इकाई नै आखेआ ऐ जे पर्चा लीक होने दा मामला मतेयाने सरबंधी राष्ट्री अजेसी आस्सेआ तैह बक्ख-बक्ख प्रक्रियाएं कन्ने छेड़छाड़ दी वजह करी होआ ऐ। आर्थिक अपराध इकाई नै आखेआ ऐ जे मानक संचालन आली प्रक्रियाएं दी पालमा झारखंड हजीराबाग दे मतेयान केन्द्र च नेई कीती गई जिस करी पर्चा लीक होई गेआ। जांच अजेसी नै आखेआ ऐ जे जांच दरान एह गल्ल सामने आई ऐ जे दाखला मतेयान दी तरीक कोला पैहले जेहड़ा पर्चा पटना पुज्जा हा ओ असल च हजीराबाग दी मंडाई रोड पर कल्लु चौक च स्थित ओसिस स्कूल दे मतेयान केन्द्र आला पर्चा हा। आर्थिक अपराध इकाई नै आखेआ ऐ जे इस राजश दा षडयंत्र रचने आले दऊं मुख् साजशकर्ताएं गी गिरफ्तार करी लैता गेआ ऐ। इंदे चा इक बलदेव कुमार उर्फ चिंटु गी झारखंड दे देवघर थमां गिरफ्तार कीता गेआ। विशेष जांच टीम नै नीट मतेयान दे 4 मेदवारें गी बी गिरफ्तार कीता ऐ। हुन एह पूरा मामला सीबीआई गी सौंपी दित्ता जाग।

<><><><><><>

Mines Auction

कोयले ते खन्ने सरबंधी केन्द्र मंत्री जी.किशन रेड्डी ते राज्यमंत्री सतीश चन्द्र दूबे अज्ज नमीं दिल्ली च महत्वपूर्ण खनिज ब्लॉकें दी नीलामी दे चौथे चरण दा उद्घाटन करगंन। मंत्रालय नै दस्सेआ जे एहदे च खनिजें दा पता लाने आली दऊं अधिसूचित निजी अजेसिएं गी प्रमाण पत्र दित्ता जाना बी शामिल ऐ। मंत्रालय नै आखेआ जे खनिज संसाधनें दी निकासी ते बवहारिक आर्थिक धातु च इसी तब्दील करने दी कुशलता बधाने आस्तै ग्रांट दी मंजूरी आली चिट्ठी स्टार्ट अप्स, ते शोध ते विकास सरबंधी संस्थानें गी दितती जाग। इस मौके पर शोध लसेंस धारकें आस्सेआ शोध मत्तल्लक खर्च दी आंशिक अदायगी दा बी ऐलान कीता जाग। एहदे तैहत सरकार गी 24 महत्वपूर्ण ते रणनीतिक खनिजें दी छूट दी मंजूरी देने दा हक दित्ता गेआ हा।

<><><><><><>

EAM-UAE

विदेश मंत्री डॉ. एस.जयशंकर होरें अबूधाबी च संयुक्त अरब अमीरात दे विदेश मंत्री शेख अब्दुल्ला बिन जायद बिन सुल्तान अल नाहयान हुंदे कन्ने मलाटी कीती। अपनी इक सोशल

खेड्डे जाई चुके दे टी-20 च ऐसे 31 मैच च भारत नै 19 जित्ते जिसलै कि आस्ट्रेलिया नै शडे 11 मैचें च जित्त हासल कीती ते इक मैच दा कोई नतीजा नेई आया।

<><><><><><>